

瑞王惠王桂王之國各賜馬百匹

戶部主事李自儼行人汪邦柱主試雲南刑部主事林魯行人宋鳴梧主試貴州邦柱鳴梧以門戶罷改命行人李昌齡往雲南馬懋才往貴州

薊遼總督閻鳴泰順天巡撫劉詔並言中協最衝莫若喜峰口以其當三衛之貢道也客秋賴廠臣給料頒賞鎮臣陶文稽核河上臺城俱修訖其次董家口修磚城二十三丈橋五洞計役九千餘人願以薊鎮班軍派東西二協者再留二千餘需主兵從之

癸酉兵部覆督師王之臣委任督撫賞言所撫在關內如

滾兔等賞於桃林口柴狗等賞於寬佃峪他卜能等賞於黑峪關長昂等賞於義院口伯桑戶等賞於擦崖子腦毛大等賞於界嶺口綏素等賞於羅文峪胡婦大嬖六部長毛困等賞於潮河川趕兔等賞於大小峪伯牙兒啞拜等賞於喜峰口此因各部近薊故市賞必於薊地在關外如煖兔宰賽等賞於開原鉄嶺及青虎墩兔熬黃台吉抄化拱兔等賞於平鹵堡長安堡廣寧鎮靜堡小歹青等賞於義州大康堡拱兔等又賞於錦州大福堡此因各部近遼故市賞必於遼地自河東失而移廣寧辛酉事也非廣寧額賞也廣寧又失而移關門壬戌事也非關門額賞也寧前既復而移寧遠乙丑事

事也并非寧遠額賞也此關內關外撫賞之大較也今督臣
閻鳴泰撫臣袁崇煥熟諳北情均堪任使但二鎮遼遠如用
一人恐鞭長不及議今關內關外各轄之以為兩便遂命鳴
泰任關內崇煥任關外分撫責成

豐城侯李永祚議江西南贛吉安仍食淮鹽開珠池珠銅鑛
上以銅鑛閉久不許其食鹽下部議已部覆復以吉安食淮鹽
從之

甲戌御史陸世科以黨罷考功郎中蘓繼歐削籍以庇楊漣
也

朝鮮王李侗乞回使市硝黃如先年倭倭例上念其忠順時

山東巡撫李精白言營州民王九常家牛生犢如麟以圖上末
頌殿臣上喜之

陝西總督王之采言瑞府膳田請三萬秦地不加拓藩至瑞
府而五勢難取盈今漢中報四十餘頃之外各郡並無餘
如酌派十之一臣當任之餘不能措或鄰省分給衆猶易
命下部議

雲南巡按御史朱泰禎叙平定武尋嵩功三年間百三十三
戰俘三百七十四人斬四千六十餘級兵部請筮日宣捷報
可

乙亥礼部署事左侍郎李康先言親王道經及就國之後宜
謂祖陵三王俱經南京宜謁孝陵瑞王過承天惠王桂王就
國俱宜謁顯陵或念繁費遣官祭告得旨俱遣官祭告
故太僕寺卿李如檜贈工部右侍郎蔭監予祭葬
許中書舍人朱慎鑿考選慎鑿俸滿乞選頌殿臣內輔得人
師濟在列

丙子瑞王辭奉先殿未刻而雹

削奪吏部郎中徐楠以門戶也

延綏巡撫守制朱童蒙言延鎮去年京運負三十餘萬軍士
告飢乞先半發因頌殿臣勛勦力殫綢繆計周遼左宣雲武

備咸修衝邊共倚再請守制命戶部即給餉童蒙奪情料理
談遷曰延鎮靜謐何以奪情也貂寺倒柄不有其君又何
顧私親焉

丁丑進遼東總兵趙率教左都督

浙江巡撫潘汝楨言閩浙比隣突有閩人王清等駕巨舟稱
義兵睽睽越境恐其託橫乞嚴海禁從之

戊寅瑞王之國

談遷曰三國並遣時儀邨未備田租未定丞馬剪桐錫
圭或議逆璫私忌利諸王之我外也是則不欣諸王富於
春秋業啟爵土各君一方又復何待今以哲廟升遐之速

先畀維城過疑逆璫非持平之論也

都人陳文漢吳守義等請立魏忠賢祠許之

戶部覆登萊巡撫李嵩疏言臣部歲發米二十萬石養兵而
遼民聽其屯種自養今嵩請加額宜于登州歲買十萬外加
買二萬石故時津糧為首運俟抵鮮回空再發登糧必值秋
季風飭易沒今於年前改運次年春利涉至民間輸金准本
色上納免其以米易錢以錢易銀從之

兵部尚書馮嘉會言登萊巡撫李嵩報朝鮮叛臣韓潤導金
師入安州節度使南以吳自焚死餘盡遭僇往援都司王三
桂等俱沒平壤不戰而潰金師又攻黃州吳適朝鮮陪臣金

象憲在京呈稱宜及此時速發偏師乘虛搗穴俾首尾牽制
狼狽莫救臣計南有登萊東有友島北有款胡須責寧遠撫
臣期會並進勿水兵僅援不為搗虛計也遂命遼撫選銳乘
虛如部議

談遷曰計不豫定求可以應卒東師瞰我屬國彼獨不為
根木慮手虛而襲之路人所明也遼撫果夙戒旦籌引輕
騎而東專圖外之役其誰曰不可而文義拘牽受成於本
兵稟命于廊廟迨蒙鑒允坐移際會徒繁牒奏邊臣以請
事為長才內朝以部覆為稱職餘何問焉其曰責寧遠撫
臣期會並進度兵甲幾何芻餉幾何謀議往復動經旬日

徵發兼程又未知所卜柰何輕言之哉

廣西巡撫曾應瑞言南寧太平粵西內地屏蔽沿邊土司為二郡藩籬萬曆二十五年以前思明府龍州龍憑忠遷等土司頗稱強盛安南祿酋稽首稱順及二十九年思明土官黃承祖沒男黃以雷故懦祿州土酋韋達禮窺犯思明三十年間議增兵於南太設叅將三十一年叛臣陸佑蕩平達禮弑獻天啟二年盜韋公札等分路焚劫議裁叅將以總兵移住南太前部院胡應台奏罷總兵復叅將博訪土情僉謂叅戎改而王司率多牽制相時度勢裁叅戎改守備一員統舊兵五百與思明趙燾營守備犄角協力其权不重其勢不孤從

之

己卯礼部左侍郎李康先奏瑞王之國道經襄府不便出會若席殿頃刻供應千金且惠桂二王所經王府不一概免出會報可

通州人衛萬民韓國湖等請立魏忠賢祠賜額懷仁
庚辰宣雲南之捷告郊廟

薊遼總督閻鳴泰順天巡撫劉詔巡按倪文煥梁燾環連章請祠魏忠賢於密雲了髻山賜額崇功

辛巳以滇捷進輔臣黃立極少傅兼太子太傅吏部尚書連極殿大學士廕尚宝司丞賜金六十緡幣四坐蟒衣一施鳳

來張瑞圖李國楷少保兼太子太保戶部尚書武英殿大學士並廢中書舍人賜金五十幣二坐蟒一魏忠賢加恩三等仍賜勅世錦衣指揮使司札太監王體乾等七人加恩二等世錦衣指揮僉事仍金幣兵部尚書馮嘉會進太子太師原廢錦衣指揮僉事加一級世襲雲南巡撫閔洪學進太子太保世錦衣指揮僉事黔國公沈啟元進太子太保並賜金幣文臣邵輔忠傅宗龍等武臣尹啟易金為貴等土司沙源龍在田等各陞賚有差

談遷曰邊功叙及閣部非制也中葉以後沿為成習於內臣何預身非行間事非遙歷輒膺景風之賞則本兵迎附

所當首論矣

壬午薊遼總督關鳴泰言薊遼相越僅百餘里遵化兼太平喜峰二路不設一監司非便宜併於薊州道其遵化道可裁從之

癸未宴朵顏諸衛貢使

御史卓邁巡按順天

花馬池副總兵郭威振免寧夏巡撫史永安糾其寇入安定堡失事

禁閉霸易涿房山涇水礦洞從內監李永貞言

甲申以緝盜加魏忠賢原廢二級仍賜勅

薊遼總督閻鳴泰言東協哈喇慎一部獨汪燒餅未款二月
五日以二百餘騎屯桃林口外大威各嶺陰圖窺犯分鎮內
臣楊朝介馬而馳率守軍禽其三人汪即叩關願罰楊朝同
道臣張春諭以威德願罰九九立盟質一人為我坐門始還
其三人因頌厥臣赤心報國全算笄邊命廢忠賢錦衣指揮
使世襲楊朝世正千戶張春加服俸一級黑雲龍等各進一
級趙朝用等各賚十金總鎮太監劉應坤陶文各廢錦表正
千戶分鎮太監孫茂霖武俊王蒞朝各廢百戶賚金有差
乙酉惠王辭奉先殿
削奪吏部郎中龔世法因推陞以黨論

鳳陽巡撫郭尚友請釋高墻物故罪宗朝諍等十八人歸故
府給庶人廩從之

丙戌戶部發年例銀寧夏延綏各三萬五金上閱延鎮繁
飢再奏給

薊遼總督閻鳴泰言密鎮游荒原解遼莖二萬石舊值六錢
三分陸運至關今每石約費一兩五六錢貧民何堪乞如永
鎮例增值并改減折色仍寬限運送天津命下部酌覆

丁亥禮部右侍郎韓日績為南京禮部尚書

太常寺卿姚宗文為右僉都御史巡撫湖廣山西左布政焦
馨為右僉都御史巡撫寧夏

南京兵部右侍郎毛一鷺浙江巡撫潘如楨為南京兵部左
右侍郎

削奪大理寺右寺丞彭鯤化職方郎中劉永祚以邪黨也

初湖廣巡撫李棲鳳言惠桂二府分封荆衛給賜膳田按廢
遼及棗陽王絕產民間淤田共萬頃計畝收租可三萬金分
之兩藩各萬五千金朕必有司徵輸民乃樂從若自行徵收
必激亂戶部尚書郭允厚言福府膳田不足二萬僅及潞府
之半則今日兩府有福府之半亦不為薄朕皇澤隆長猶存
見少按湖廣廢府有九除湘遼見存搜括景地量撥潞府外
尚有潭谷二府坐長沙鄧梁二府坐安陸岐府坐德安雍府

坐衛州其所遺田雖變置改撥多寡不同然而里胥之隱沒
豪猾之侵占暨各郡藩之私收恐不止一二處也遂命撫按
清理務足二王經費

戊子以緝獲加魏忠賢原廢二級

提督漕運河道太監李明道荐轄漕山東左布政朱國盛命
加銜吏部尚書周應秋疏言殿臣擎天巨手報國赤心輓漕
輸運河伯效靈裕國通糧倉庾漸實進國盛太常寺卿蕪山
東按察使仍故任

談遷曰嘗見朱國盛自言平昔不一識魏忠賢竟被黨名
噫荐以內臣何必求識忠賢哉

陝西巡撫張維樞言登城知縣張斗耀苛徵生變見殺命捕首禍

兵部尚書馮嘉會言金攻朝鮮毛文龍請援豈容擲為孤注除搗巢之師聽寧撫調度今宜南海口覺華島選水兵三千統以健將先就文龍聽相机進止續發天津水兵為後勅登萊亦選三千人出海策應可乘則全旅以擊之否則多方以誤之因舉叅將徐璉游擊宋承燾堪統兵報可

己丑惠王之國

太和山玉虛宮史

薊遼總督關鳴泰順天巡撫劉詒巡按倪文煥巡閱梁夢環

請立魏忠賢祠千昌平通州賜昌平祠曰崇仁通州祠曰章德

庚寅御史張汝懋為大理右寺丞

魏忠賢所廢錦衣指揮使改授尚寶司丞以疏辭滇功也

辛卯右僉都御史李嵩進三品服俸光祿寺卿岳駿聲為太常寺卿以連雲島原叙也

壬辰管三山太僕寺卿何宗聖請祠魏忠賢於房山賜曰景德

談遷曰光朝附璫倖進有之矣未聞宇以內羣頌而祠也士節不固怵於威禍變置黑白恃冰山為磐石之安篋子

曰礼義肅耻國之四維四維不張國乃滅亡天啟之季寢
寢有亡徵焉宜舉朝皆中惴矣

兵部尚書馮如會言東師遠掠東江銜枚疾趨出朝鮮不意
今塘報昌城太守力守又瓶山金兵大敗雖偏王京八十里
然鮮任重兵於河金必不敢渡乘其半渡而擊之所以制其
死命也又報瓊山伏兵截金餉道又遼撫奉搗巢之命選銳
作連珠三營滿桂以三千騎住前屯策應又徐璉水兵千人
東往如此夾攻金豈不回師以自顧乎

癸巳諭鴻臚寺今日早朝奏事官聲沉後須朗聽

故福建巡撫右都御史陳子貞贈兵部右侍郎詹監

工部尚書薛鳳翔請搜節慎庫及太常寺光祿寺庫舊銅器
資鑄錢報可

甲午前禮部尚書林允俞卒莆田人己丑進士崇禎初贈少
保謚文簡

乙未賜琉球使臣蔡延等金幣如例

丙申戶部疏陝西總督王之采言瑞玉贍田陝省毋執六千
頃之數宜秦任其一四川山西河南分任其二從之

薊鎮邊外虎墩兔以適責責哈喇慎兵伐之虎墩兔為迤
北長故稱慙是名種漢部與建州隣哈喇慎宣大邊外為種
屬歲貢故責之實以建州強惧為所併知卜石兔弱移牧于

西卜部竟夜遁陝西邊外揮漢遂從新平口日肆求索
四月丁酉朔上享大廟

許雲南鑄錢勅按察副使孫同倫專理錢法

陝西總督王之采言今春銀定矮木素刺麻賓兔班記諸部
糾土賣火力赤自黑永河突犯副總兵陳洪範官惟賢禦之
斬百八十餘級甘肅巡撫王家禎疏如之

貴州總督張鶴鳴言黔事久罷平定宜速一多餉以壯軍氣
一多將以振軍威一簡兵以責實效一請劍以攝衆心一省
議論以清國是一嚴賞罰以服群心一選監軍以資運籌一
討器械以備衝鋒上遂賜尚方劍餘下部

刑部右侍郎王之采下詔獄

戊戌諭太常寺昨享太廟牲宰惡臭其案員役典簿莊士麟
等免官

初二部主事呂下問來傳至斂籍吳養春怡威苛暴株累溫
室郡人大譁斧門入下問踰垣棄妻子夜奔二百里至績溪
投空廨中導伏梁上者累日免官聽勘後削籍遂遣大理寺
右寺正許志吉追黃山水植黃山約周三百六十里其三
六峯峻峭巉岩有二千四百畝產木前估十二萬志吉增二
十五萬五千五百自虐其鄉甚于下問

吳克言齊光裕削籍

以緝事功進魏忠賢子弟人二級

天壽山守備太監孟進寶言盜陵木遺焚命訊把總趙應奎已亥例轉湖廣按察僉事王會圖復御史

護送瑞王內監張邦詔以舡戶私鹽聞詔責侍部趙絳疎網今戴罪護行

太子太師兵部尚書馮如會卒河間人萬曆乙未進士筮仕冠城徵拜御史至今官贈少師謚忠襄廕中書舍人祭十一壇諭葬

庚子協理兵部尚書王之臣為兵部尚書

前浙江按察副使吳伯輿入朝誤暹西班罷之

議修琉璃河橋

登萊巡撫李嵩言東師伐朝鮮陷義州殺節度使李莞連陷郭山凌漢山城安州殺節度使南以興防禦使金浚等將吏數十兵民數萬屠僇亡遺平壤黃州不戰自潰東師已至中和游騎出入黃鳳之間又分雲從島國王遷于江華告急夫金之惡鮮以鮮之服我閩寧在前樂浪在後金實有意西向而忌其尾之也夫鮮以事我釁金則我自當擊金以極鮮不待再計內及款議諭向日款議雖寧鎮別有深心在中朝原未嘗許今日閩寧別無調度何以明不為狡敵所辱毋為屬國口寔平下所司閩寧一撫議之

辛丑魏忠賢孫魏撫民廕尚寶司丞撫民本優童善盤舞忠賢畜之乞官願文不願武也

廕大學士黃立極子藻若尚寶司丞施鳳來子時升張瑞圖子治夫李國楷弟國棠並中書舍人

喜峰路叅將馬士麟報塞外煖泉窺賊百餘禽四人部目卜喇度悔罪就盟廕廠臣錦衣指揮使仍勅賚總鎮太監劉應坤陶文紀用分鎮孫茂霖武俊王蒞朝楊朝各廕錦衣指揮千百戶賜金幣有差

鎮撫司訊王之案追贖八千金

巡視京營工科給事中虞廷陞言妖僧妙鮮身藏火具云大

同左衛白蓮教郭鸞誘約入都密焚草場下刑部

壬寅叙滇南功雲南巡撫謝存仁加二品服俸前兵科都給事中今山東巡撫李精白加三品服俸各仍巡撫兵科都給事中許可徵進太常少卿餘量陞紀錄

光祿寺丞許鼎臣罷因推陞以門戶斥也

兵科都給事中許可徵言東江危迫毛文龍遣都司毛永顯領千人以救宣州永顯陰約民舡載家屬西逃被旅順叅將張繼善禽獲石城島游擊高萬重倡言鉄山雲從昏失回席卷島中貨物子女奪凍舡為糧航海竄歸河西又都司馬承勛李鑛鄭繼魁西逃皆徐敷奏倡言搖惑所致也請寘萬重

等於法從之

劄遼總督關鳴泰以巡撫袁崇煥頌厥臣請祠於寧前賜曰元功

癸卯作信王府

浙江按察副使唐際盛為右叅政

工部主事崔源之作戰舡載百於海上

總督宣大山西張樸山西巡撫曹爾禎巡按劉弘光疏頌厥

臣請祠于五臺山賜日報功山海太監劉應坤請祠賜曰懋

德

御史安伸奏王文龍東援三戰三捷已困敵于銀杏山向借

款修備今當出奇摧枯

甲辰命信王居惠王府

左副都御史馮三元致仕進右御都史

兵部尚書王之臣言虎酋棟漢王子與伯言等皆款胡也乃
棟酋與把漢哈喇慎索人馬成隙俄擁兵壓哈喇慎之境諸
部情急求援邊臣來告我兵若助哈酋則棟必肆螫不助則
哈復致怒宜令邊臣選象胥和解即不然我亦有辭於彼但
敵情叵測或聲東擊西文武將吏仍當料理勿謂兩部素唱
我餌自相蚕食莫予毒也上從之

蕃育署民及庶吉士李若琳等頌魏忠賢功賜曰感恩

乙巳松江人薛昌世請祠魏忠賢賜曰德馨

延綏巡撫未童蒙請移中協副總兵于保寧歸其兵鎮城大營設長樂鎮守備從之

丙午桂王辭奉先殿

丁未護送惠王內監趙秉彝劾交河知縣田首鳳及主簿朱侯命恭慶責呂純如護行不以聞車竣回奏

賜憲府坊曰夾輔親錄書接曰博文

魏忠賢原廢甥孫董芳名進都督僉事傅之琮進都指揮使

宣府巡撫秦士文請修火燄山邊牆因頌廠臣功上善之

戊申錦衣副千戶王先通稱故新建伯承勳嫡姪應嗣乃螟

蛉子先達詐冒屢奉旨訊久停難結命速之

遣師萬餘圍錦州搃兵趙率教同左輔朱梅力禦之砲擊傷

甚衆搃兵滿桂典祖大壽馳援

己酉順天尹禱雨

予故總兵左都督柴國柱祭葬

戶部尚書郭允厚言餉軍全賴本色乃運弁折納各糧廳折收異日又折放金錢未可充腹請塞弊源上從之

庚戌召石叵總兵尤世祿寧夏搃兵杜文煥前搃兵侯世祿俱選銳到關聽遣

辛亥廷試貢士

前南京工部尚書盧大中卒永年人萬曆癸未進士自糧令
擢南京兵科給事中至今官賜祭墓

貴州巡撫王緘上黔功下兵部

刑部尚書薛貞履案故保定巡撫程正己賄趙南星開府擬
站配不准贖從之

壬子免工部尚書徐大化太僕寺少卿管寶源局葉憲祖屯

田卽中周鳳岐以大化借柴薪銀八萬五千大工銀十九萬

市銅鳳岐謬奉堂憲祖擅給也

癸丑桂王之國

隆德殿竣廕魏忠賢錦衣衛都指揮使賜金八十幣四益祿
三百石

巡撫宣府秦士文再頌厥臣功請祠賜額隆勛

甲寅宣大總督張樸再頌厥臣功請祠賜額德勛

花馬協守改總鎮卽以副總兵杜弘域陞任

兵部尚書王之臣以督師復命頌厥臣并叙內鎮臣劉應坤
等督撫道將閻鳴泰等上善之

乙卯魏廣微卒南樂人萬曆甲辰進士

談遷曰南樂以介肅允貞之子時議見排挺而走險司隲
其家聲不自顧惜終受鉗忌委而去之鄙夫患失徒被汚

惡名以死可不戒哉

前吏部尚書李宗延卒汝陽人萬曆丙戌進士黔陽令擢御史忤罷泰昌初徵拜光祿少卿及典銓立糊籤之制贈太子太保廕中書舍人予祭葬

宗室爾鐸斃其妻奪祿三年

東寧伯焦夢熊求給肩輿不許

王之寀卒於獄仍令撫按徵贖

談遷曰王之寀筮仕清苑幾墨敗幸入比部視獄重案張差矯託羽翼而步武八座不維矣夫事之本末易明罪原無遁故肆其說危其旨即莽何羅觸琴不啻焉寀陷內豎示

云已甚末遭嚴網身填牢戶或者假手董腐以釋其陰譴也

丙辰馬允昇充總兵督防延寧

太和山內監馮玉頤厥臣功請祠賜額昭德

南京戶部尚書范濟世免

丁巳命廷陞暫攝隰川王府侯拱亭請名後仍歸之

遼東巡撫袁崇煥言聞東師十萬掠朝鮮十萬居守何所見而妄揣巢穴之虛乎我縱傾伍搗之止論懸軍不能深入即深入有損千彼而虎首新併鈔化意殊叵測都令蹇令新通於東而仇於我萬一我兵以東彼騎北出而襲我關寧此時

敕人耶抑自敕耶無已則水兵先發以趙率教選精騎五百
三空如有可圖不妨渡河一試如無隙可抵我兵但列河面
彼或疑而不以全力東向惟此庶幾耳下部議兵科給事中
李魯生請招合虎酋東進解朝鮮之困

戊午廢魏忠賢外孫王選劉應坤從子學札俱錦衣指揮使
學札仍都督同知銜

鳳陽武平衛總孫均請祠厥臣於亳州東門賜額旌德
已未登津內監獲謀者惟奇蓋養性從子也

庚申宣大總督兵部右侍郎張樸為南京戶部尚書王推南
京戶部右侍郎倪斯蕙勒罷

漕運總督內監崔文昇言漕舡事宜午節後截回空以待民
舡燕周江廣舡省民力上是之

辛酉廢內監楊朝從子國臣世襲錦衣正子戶

桃林口太監楊朝頌厥臣功請祠於建昌城東賜額崇德

工部監督兩山郎中曾國楨頌厥臣功請祠于蘆溝橋賜額
隆恩

壬戌右僉都御史許宗禮為左副都御史

削奪天津兵備道叅政楊廷槐以漕運內監李明通糾其久
倚門戶也

天津巡撫黃運泰報遣孫應龍平登雲以千人出海援朝鮮

因言海多盜梗運始留半兵獲漕報可

癸亥以金師劫警命杜文煥駐寧遠尤世祿駐錦州侯世祿駐前屯左輔進總兵駐大凌河滿桂仍駐關門節制四鎮及燕達四路賜尚方劍從劉應坤之請

予外戚陳正誼祭葬

甲子勅趣各京省捐助搜括銀二百十七萬八千四百有奇勅期輸京師

金師解錦州之圍攻寧遠巡撫袁崇煥擊卻之滿桂尤世祿兵至多捷

以緝佟惟奇功廕魏忠賢錦衣指揮使賜金六十幣四鞭酒

新鈔賜勅胡良翰苗成各廕錦衣正千戶金捷郭尚札邊進朝闈成各廕百戶推官周汝昌以如逆下吏部議謹遂安置

西邊

乙丑大學士黃立極等擬陞坊局官六人左諭德署國子司業林鈺修撰莊際昌編修朱繼祚並罷編修姜曰廣簡討胡尚英丁進並削籍初監生陸萬齡請祠忠賢鈺堅不批允曰廣以朝鮮使回不歸頌厥臣也

海盜鄭芝龍聚衆數萬舟數百犯中左所飽掠三月去之芝龍南安石井人也流入海島顏振泉黨為盜後振泉死衆推一人為長不能定共禱于天以劍插米中各當劍拜一而劍

躍者天所授也次至芝龍再拜劍躍于地遂為魁
五月丙寅朔耿如祀入贓六千金俟刑

辛未漕運太監李明道奏直隸巡按御史何早誤運削籍
通政司經歷孫如列請祠殿臣宣武門側賜額茂勳

巡撫延綏朱童蒙請祠殿臣賜額祝恩

王域李嵩為南京戶部右侍郎嵩總督糧儲

大理寺右少卿倫肇修久依門戶削籍

李夔龍為左僉都御史張延登為右僉都御史巡撫浙江

東謀佟惟奇棄市

巡視中城御史黃憲卿請祠殿臣附於順天

太監劉應坤覈積餉上嘉之廕魏忠賢錦衣指揮使應坤等
各廢賞有差

乙亥金師大舉趨錦州

丙子給皮島金十萬輸天津之粟五萬

丁丑圍錦州總兵趙率教左輔朱梅合拒之連攻十四日不
下趨寧遠

己卯金師渡河至閻陽驛距錦州四十里聲言徑往山海

命祖大壽移山海滿桂移前屯趙率教左輔移錦州袁崇煥
移寧遠黑雲龍移一片石

廖故黃陂諸生熊于宣屍于宣脅貞婦龐氏死抵罪時于宣

物故也

癸未張曉為兵部尚書總督宣大軍務孫國禎為右副都御史巡撫登萊

封藩事竣廕魏忠賢錦衣指揮使。江浦世以久依門戶削奪

辛己官軍敗金師于柘浦敵屯塔山

甲申浙直商人翁一元等頌厥臣功曰顯德流芳

武清侯李誠銘頌厥臣賜祠鴻魚山海關太監陶文請祠曰
廣恩

工部尚書崔呈秀奪情視事

丙戌滿桂遣兵攻塔山敵鑿三重濠于錦州城外留兵困之

自領大兵攻寧遠于反山首山巖落連山南海結九大營內

臣高超潛欲城守滿桂不可與搃兵尤世祿等七教場

丁亥魏撫民為尚寶司少卿

己丑博平侯郭振明請祠賜額德芳

辛卯張翼明為右僉都御史巡撫大同

鎮守宣大山西太監葛九思請祠賜額如敵

壬辰給事中葉有聲以久依門戶削奪

癸巳敵大至諸將擊之殺王子浪蕩寧谷箭傷召力免及回

山四人牛录三十余人敵退東山坡次日發紅夷砲擊東兵

斃八百余人俘八人俄滿桂尤世祿楊加謨各至合戰走之

屯八里山錦州圍解

是月浙西大雨水

乙未金師復圍錦州日以萬騎往來斷其出入夜則舉火擾之

戊戌禮部左侍郎李康先罷謂久繫門戶也

延綏巡撫朱童蒙奏河套之功廕魏忠賢錦衣指揮使

己亥味爽敵悉衆攻錦州金主營于教場督攻諸將禦之整暇翊日始去是役也祖大壽有子前陷建州人頗疑之至是始信其無他

庚子金師屯小凌河毀城墻

辛丑工部奏邊餉鑄錢廕魏忠賢錦衣指揮使

建師赴大凌河

太監李實請祠廩臣於蘓州許之

延綏巡撫朱童蒙奪情視事

發御前金五萬勞寧遠吏卒

商人某等請祠廩臣於臨清許之

癸卯袁崇煥再報捷

湖廣太監李希哲請祠廩臣於承天賜額鴻惠

太監胡良輔奏歲餉六十萬不給許增本折四十萬

山東巡撫李精白請祠廩臣賜額洛禧

庚戌命應天山西巡按逐程跡毛士龍士龍就戍而逸
辛亥袁崇煥又報捷上以一月三捷大悅命侯世祿住山城
堡犄角錦寧

癸丑金師招誘寧遠人書有南朝文武俱婦人止知開口談
兵豈知鋒刃之苦云云我亦書報之

總督漕河太監崔文昇請祠殿臣於淮安賜曰瞻德

太常博士汪始亨以久繫門戶罷

甲寅直隸巡按御史盧承欽請祠殿臣許之

薊遼總督關鳴泰請祠殿臣曰旌功協理侍郎吳淳夫請祠
曰萃德

丙辰總督漕運黃運泰請祠許之

丁巳巡按山東御史黃憲卿請祠殿臣賜額湛恩

庚申上不豫

壬戌祭崔呈秀母四壇移其一祭父奏內有在天之靈語

癸亥順天巡撫右都御史劉詔巡按御史卓邁請祠殿臣於

涿州賜額弘愛

甲子登萊巡撫李嵩請祠殿臣許之

福建巡撫朱一馮報海寇

陳具慶張士範為翰林侍講

國子司業賀逢聖以久繫東林削籍

總督漕河太監崔文昇巡撫郭尚友巡按宋楨漢何可及
盜許其孝請祠殿臣於淮安西門

七月乙丑朔寧國公魏良卿攝祭太廟

袁崇煥罷議者以輕遣番僧講款

丁卯賜太子太傅兵部尚書王之臣尚方劍督師薊遼登萊
天津軍務兼巡撫遼東右都御史

侍講陳具慶張士範主試應天

海盜鄭芝龍突犯漳泉銅山官兵敗績

己巳諭禮部上科考官方逢年章允儒熊奮渭李繼貞丁乾
學却土膏顧錫疇陳子壯及貢士謝錫賢劉正衡艾南英程

祥會孫昌祖等訕上謗改己加懲處茲特申飭不許詆毀

田吉仍太僕寺卿署太常少卿事太僕寺少卿徐揚先削籍
以久係門戶也

宣大總督張樸巡撫張翼明巡按汪裕請祠殿臣賜額一代
崇功

太監劉應坤頌寧錦功廢殿臣錦衣衛指揮世襲賜金八十
癸酉上御門受俘告太廟

庚辰叙寧錦功封魏鵬翼安平伯世襲賜誥券歲祿千一百
石廢太監紀用錦衣衛指揮同知胡明佐正千戶孫茂霖武
俊副千戶楊德玉黃友德孫玉試百戶並世襲孟應祥等試

百戶

下孫如列於鎮撫司如列方達媚祠尋多贓斃獄中

姜玉果比匪削籍

宣府巡撫秦士文報捷歸功上公遂廢魏忠賢錦衣指揮使
葛九思千戶張守成李應江百戶並世襲田奉等百戶上公
之稱始此

癸未衛王常瀆薨

延綏累捷廢太監冷文輔錦衣衛指揮僉事世襲王之臣進
太子太師廢錦衣指揮僉事霍維華進右都御史廢正千戶
田吉右副都御史許可徵大僕寺卿並仍舊任王之采廢錦

衣指揮僉事史永安朱童蒙並進右都御史廢錦衣指揮僉
事前巡撫張九德加一品服俸楊肇基太子少師廢錦衣正
千戶餘陞級有差

賜安平伯田七百頃

庶吉士蔣德璟李若琳江鼎鎮授編修錢受益張維机項煜
丘瑜師雅助楮大初王廷垣授簡討楊汝成閃仲儼馮之驥
劉垂宝並係門戶削籍仲儼之驥以出姚希孟門垂宝鐸之
弟李覺斯授禮科給事中

吏部推張雲鶴為刑部郎中以熊廷弼之戚削籍

乙酉進黃立極少師兼太子太師中極殿大學士世廢錦衣

指揮使賜金六十幣四坐蟒衣一施鳳來張瑞圖李國楷兼
太子太傅吏部尚書建極殿大學士並世廕錦衣指揮同知
金五十幣二坐蟒衣一以錦州功
戎政兵部尚書李春燁乞終養從之
護送太監王敏政叅銅陵知縣劉涵清不備夫役命削籍臺
訊

閻鳴春仍太子太師兵部尚書兼理京營戎政

兵部侍郎霍維華以袁崇煥未叙請移已廕之上怒崇煥
議款不許且責維華市恩

戊子洪瞻祖為右僉都御史撫治鄖陽

八月甲午朔司禮太監梁棟提督蘓杭織造

乙未豐城侯李承祚請厭臣如徐達兩公世爵之例

叙援錦州功太監孫鎮高進忠李進喜馬吉祥減叙馬進忠

王鎮孫朝王永壽曾誠並廕錦衣試百戶魏廣徵加贈一級

王之臣進少傅並廕錦衣指揮僉事馮嘉會贈一級霍維華

進兵部尚書廕正千戶並世襲郭允厚蘓茂相李春燁薛鳳

翔崔呈秀孫杰楊夢袞張晚並太子太保廕監曹爾楨張我

續吳淳夫並右都御史仍舊任許可徵右副都御史仍兵科

都給事中段國璋郭典言並太常少卿李魯生陳維新並太

僕寺卿仍舊任倪文煥太僕寺卿仍御史梁夢環太僕寺卿

劉徽少卿候滿推補田吉右都御史仍舊任廕錦衣副千戶
世襲洪瞻祖右都御史仍舊任馮時行太僕寺卿加關鳴泰
少傅仍協理戎政廕錦衣指揮僉事黃運泰太子太傅廕監
郭尚友右都御史兼戶部右侍郎並仍舊任袁崇煥進右都
御史廕錦衣正千戶世襲滿桂太子太師廕錦衣指揮使趙
率教太子太傅尤世祿左輔並右都督世錦衣正千戶餘陞
賚有差

起太常寺少卿阮大鍼奏改莊祖諱以倪文煥荐也

兵部右侍郎郭鞏助工上以久不至勒免不受助

辛丑叙殿功封魏良棟東安侯世襲府第田樣視肅寧侯又

廕忠賢世錦衣指揮使王体乾梁棟李永貞石元雅王朝輔
郝隱儒趙秉彞余文輔李實劉應坤王敏政崔文昇並廕錦
衣指揮僉事李承光蕭若霖正千戶劉忠等副千戶吳國泰
等百戶

李誠銘進太子太師

郭守仁為工部侍郎徐應遵杜太盈為光祿寺卿

進寧國公魏良卿太師

簡討楊世芳報使竣以門戶勒免

太監崔文昇請祠廠臣於濟寧賜額表勛

湖廣巡撫右僉都御史姚宗文請祠廠臣于荆襄賜額隆仁